

Lugdunensis Tractus, vulgo Lyonnois.

Nomina.
Situs.

Lugdunensium Civitati, ut in Notitia Provinciarum dicitur, l' Archevesché de Lyon, le Pais & Seneschauce de Lyonnois, Limites scribuntur ad Septentrionem Bressia; ad Orientem Sabaudia: qua Meridsem spectat, Delphinatus est cum Languedokia; qua Occidentem, Forenses jacent & Arverni. Sua hic olim habuerunt Domicilia Segusiani Plin. Σεγυσιανοι Ptol. Σεγυσιανοι Strab. Secusiani, vel, ut alii scribunt Sebusiani Celsi: Hodie le Pais & Seneschauce de Lyonnois. Caput hujus Tractus ad confluentem cum Rhodano, *Urbis Lugdunū.* Lugdunum est, Sic amplissimam, ornatissimam, florentissimam Urbem nominant Tacitus, Plinius, Antoninus, & qui Latinorum Scriptorum non? Λέγδων Straboni, Ptol. aliisque Græcis: Λέγδυνα Stephano, Vetus nomen hodie, sed contractius, servat. Ludunt enim, qui in vulgata appellatione Lyon, Leonem Gallicum quæruunt. Nomen derivant quidam ab *Lugere*, quod illi proprium fuit post fatale Incendium; de quo post: nonnulli ab *Lucere*, quod in Monte, ranquam Specula, longe lateque Luceret: alii ab *Lugdo* Celtarum Rege. Maccis & Bucconibus sua linquenda. Vetus Itinerarium a Burdigala Hierosolymas usque, quod Pithæo debemus, in fine Lugdunum *Desideratum Montem* interpretatur, Idiomate proculdubio Veterum Gallorum: cuius penitiora scrutati sunt qui deducunt ab Voce *Luyck* quæ Hodieque Gallis Belgis, Germaniæque Inferioris populis pro *Fortuna* in usu ut Lugdunum fuerit, *Fortuna* quasi dicatus Mons. Ericus Monachus lib. 1v de Vita S. Germani in Lugduno dictionem *Lucht*, quæ Gallorum Belgarum Lingua *Lucem* sonat, agnoscere videtur:

Lugduno celebrant Gallorum famine nomen

Impositum quondam, quod sit Mons Lucidus. -----

Dunum sane antiquis Gallis *Montē* esse, constat. *Montis Lugdunensis* etiam meminit Petrus Arvernus Cluniacensis Abbas lib. 1v Epist. 11: *At postquam de Vivarensium colle ad Lugdunensem Montem divina Dispositio te transtulit.* Sic Seneca in Ludo Claudii:

Vidi duobus imminens Fluvius Iugum.

Montem hunc Adcolis crassiolem caussari Aërem innuit apud Sidonium lib. 1. Epist. 11x Candidianus: *Nebulas ergo mihi meorum Lugdunensium exprobas, & diem quereris nobis matutina caligine obstructum vix meridiano fervore referari? Et tu ista hac mihi Cesenatis furni potius, quam Opidi Verna deblateras?* Sic etiam apud Strabo. Λέγδων ἐκτισμένον τὸ δόσιον. Quis Urbis conditor, incertum. Amplificavit & ex Monte, qui primo habitatus, in planiora Loca pomærium produxit L. Munatius Plancus; *Colonia* in eam Augusti principatu ducta; anno Urbis 1000. *Colonia* nominant Tacitus lib. 1 Historiar., & Plinius lib. 1v cap. xi 1x Natur. Histor. In vetere quadam Inscriptione Legitur COLAUG. LUG. Ab eo tempore semper cum primis Galliarum Urbibus censeri solita, dignaque habita, quæ cum Vicinis Immunitate gauderet. Nam *Segusianos Liberos* vocat Plinius lib. 1v. cap. xi 1x, & *Lugdunenses Gallos cum Viennensibus Iuris Italici* facit Paullus IC. lib. L. Digestor. Tit. xv. cap. ult. Digna item, ex qua totius Galliarum Itinera ab Agrippa distinguerentur, cui *Ius Monetæ* cudendæ tribueretur, in qua Gallorum omnium Tributa & Vectigalia colligerentur. Digna denique, ubi *Templum* ad Confluentes Aratim & Rhodanum ab omnibus Galliarum Civitatibus in Honorem Augusti cum formidanda illa ineptis Scriptoribus